

是日卜得泰卦  
故云令龜有喜

守歲夜

靈案回磁闔戶樞赤囊懸井清屠蘇罇留臘味為春  
酒門挿新桃換舊符歲事守來人潦倒窮船推去鬼  
柳榆明朝最是新年喜寬大書來聽杖扶

頷聯一作糟塗竈戶酬  
司命火結佛神打夜胡

元日

朔夜兒童問寢餘莫催予起動長吁圖書萬國朝元  
會鐘鼓千門走嗇夫璿象謾回齊政斗赤靈何有辟  
邪符沉沉未覩三陽泰愁絕灰心一寸蘆

和曲山詩韻寄紫山年兄

宦業初無一事成誰云祿足代吾耕最憐獨學無

友擬托鄰居度此生天外鳳凰難得見山間風月喜  
相迎詩來健羨凌雲句轉使孤懷不暢情

百計謀生百不成薄田無幾不任耕洗心大易常章

絕拊髀劉郎內不生勢有大行虧倚伏人無定志

將迎果哉去作山林計却恐吾儕訝不情

壯年力學老無成白髮何堪事筆耕張子田園歸有

賦老龐話語到無生一作已分歸田幕張  
子有時結機待王生挈雲心事

輸年少拭目時和喜迓迎有客過門聞

詔語一言或補不無情

人日有懷紫山年兄致少陵清明詩格

前年人日客殊方此日相望各故鄉酒醜不虧工部  
酒梅花空斷蜀川腸休驚老態連眉白又喜春風上

柳黃君豈笑談稱曠達我非用舍定行藏風雲北海  
捫虱花木西城夢對床晚節得同林下飲不妨閒  
處看人忙紫山別業在府城西郭多植綿柳課  
僮奴以栝椽為事故以柳黃為言

和曲山見贈高韻

我愛周元不倚中平生臨事見豪雄從旁誰掣掣雲  
手妙用多歸製錦工勿藥病懷須止酒運斤詩筆自  
成風浩然一點胸中氣莫問時污與道隆

肉豉

肉豉傳方出異庖玉盆凝就破昆刀縱橫碎漬醃能  
錦瑩潔光翻琥珀膏暖入錫華防性爽味芳禁醬想  
京麇年高饜飲便天美不負吾坡養老饕

人日贈曲山周宰

近書雲物見豐年寬大書頌兩日前為穀未知明日  
事得官休羨小兒權翦花作勝徒為爾覓紙題詩一

粲然遺愛祠前周老子幾時扶杖過思淵客廳舊名先  
大夫所扁

為靳嘉議壽時年八十有三

人生享福壽為先不似君家樂事全春色不隨喬木  
老眉毫光動百齡前風雲藥籠多陰積蘭玉堦庭點  
翠妍九老圖中休着眼世間元有地行仙

琉璃肺

擊鮮為具樂朋簪辣品流馨漲綠沉屏著喜辛忘海  
味霜刀爭割快牛心四筵談屑霏餘烈一縷冰漿濯

襟勝過扇門矜大嚼夢雲飛遠蹄林深

一作陰  
蹄音帶

簡寄

魏恭政兼謝白紵之貺

草木先聲漢嫖姚一軍奮洞掃蛇妖碧雲望杳江南  
道白紵情深鄭國僑水閣燕閒時有待銀坑心計苦  
相撩看看銅柱南邊月又見弓旌萬里招

樂全老人詩

樂全老子見輕安杖屨西城日往還論福有孫應有  
子閒居非水亦非山春風滿意花遮眼曉鏡浮光酒  
暈顏九老有圖宜健美一生班列素侯間

耳蹟自感

人生五十未全老天遣吾聰用晦明怪志虛傳三耳  
異省心先得一根清腦鳴日作蜩蟬噪霆迅時無  
嗟驚物壯而衰自然理家翁稱譽轉尊榮

過顯軒先生林墓

正月十三日與陶晉卿送客回同拜墓

予二人為愴然者久之故有是作庶見夫

當哀切禱之意云

詩後七日其孫以脾疾亡

整冠趨拜栢林烟事往懷賢一慨然翼羽有圖期四  
皓風雲埋恨便千年斯文未欲吾儕喪乳穉宜為造  
物憐宿草黃岡重回首大書猶是廣平阡

公母夫人封廣平郡君三字蓋公親筆

良宵散步詩并序

至元廿八年冬十一月十四日同曲山小

酌林光北軒既醺相與至珉溪家夜話歸  
見月色燿霏殊有春意因念數日寒馭今

夕乃爾恐一冬不三二朝而已遂步入春  
露坊衝口而成詩何夜無月何家無酒但  
少閒適如吾四人耳

散步閒行不厭頻暖烟門巷趁冬温話深不厭城頭  
鼓歸晚長敲月下門一枕黑甜饒熟睡兩鬢風味夢  
清樽竹宮梅信今年早整備新詩問蠟痕

和曲山題太一宮詩韻

蒼精宮闕五雲高千劫塵緣謝世勞太一旂常王母  
使真官表被吉光毛仙家功行何多品人物中和第  
一曹近日蓬壺到清淺獨留春色醉仙桃  
蕭爽神庭積翠高東瀛修復堵宮勞法傳四葉光前  
後望重層霄一羽毛粉飾皇圖開治道庇麻廣履

到吾曹慙慙太一池邊月曾照銀觥醉露桃

見今上時首陳修國史立臺省等事醉露桃謂四十年  
前陪諸公謀集方丈前除庇麻廣履按禮士夫也

喜雨

秋冬不雨到中春壠麥黃芽起早塵輸販乘時祈湧  
貴賤貧無策救飢民誰知一雨連三日走逐羣巫謝  
大鈞愚俗豈知昏帝力年年豐稔太平人

即事言懷

病三年白髮翁今年自覺更疎慵硯池敗墨無新  
書冊凝塵養蠹虫時向鑿方求服食誰從卜者問  
窮通正同農畝憂春旱三日甘霖洗歲凶

涼夜

氣機開闔貴循常極慘隆炎物返傷大暑罹遽前日

酷萬金難買此宵涼商飈借爽清庭戶白露先秋洗  
肺腸一枕夢歸天外境廣寒宮殿夜蒼蒼

跋御史梁公題祖隱君墓碑後中憲大定  
二十七年進士仕至河南府少尹

當年中憲煥人文久仰修齊表隱君三尺瑤鑄堪晤  
語一家庭訓儘恭懃詩書有種餘金穴簪紱傳芳見  
世勲孝子思親同一致幾回瞻灑太行雲

賈秘監宅畜大龜來自海南盈尺三尾真  
靈物也瞻玩之餘賦詩以詠為提點老友

一粲

神龜來自海中央登薦君家五福堂盈尺要開黃髮  
壽巢蓮不羨綠毛香蒼鱗弁鬣垂三尾元氣細溫善

六藏昨日朶頤觀不足著牀常在老人旁

壽韓生弘

待扣鐘邊弟子行當年風度已汪洋循循試看青衿  
子濟濟渾如上舍庠將就緝熙從洒掃擊摩蒙垢到  
輝光束修藉手嗟何有重為韓生壽一觴

一作青衿西門  
墊濟衣冠上舍庠

和曲山冬日述懷嚴韻

幾年青瑣列朝班萬里江湖又往還浮世舉從愁裏  
過人生能肯老來閒時方多故難前料家任長貧免  
後艱更有行身思寡過未能蘧瑗每慙顏

送參政飛卿時改遷西省

辛卯冬十  
二月七日

漢廷冠劔擁羣雄開濟都輸畫一功暫試邊籌

外又分春色入秦中風雲平步無餘謹肝膽酬知有  
至公常使救時公等健老夫何有炬蓮紅

奉和曲山胡桃詩嚴韻

藤藜為菓性甘良今歲收成滿市行褐殼外包金作  
皺黃衣中裹玉為穰似憐淡薄陪樽俎滿噉芳馨潤  
肺腸聞說開元全盛日十金一杵喜新嗜

又常喜甚流傳美法  
與膏同嚼便非常

彼桃根植自羗南遺種携來漢使騷雷斧斫開驚蟄  
卯雪穰翻出合歡蟾華池增潤酥同膩老類含飴蜜  
比甜想得上林初結實百官分 賜露思沾

餞中丞義甫還闕下并序

予與中丞義甫同官歷下自後君由維揚

移秦中不肯亦承之福唐地之相去也萬  
里時之契濶盖八年于茲壬辰春正月避  
逅衛南樽酒間握手道舊殊歡暢也因話  
及敝居醉經堂珉溪曰今易為春露矣予  
即曰春露堂中秋濶老君應聲云可對梅  
花軒下柳溪生盖君遊蘇門稱柳溪生提憲  
開封以梅軒自號故云即舉酒囑予曰可  
足為一詩見贈因輒聯成篇以壯行色其

辭曰

綠波春水淨長亭樽酒相逢話故情春露堂中秋濶  
老梅花軒下柳溪生十年一別渾如昨兩地相望不  
易并三篋補遺蒙 睿眷 寵光浮動漢公卿

衛南讌集終終日歷下分携已八年玉樹風神猶夙昔彈丸詩句轉清圓傳家有學光先業望壘求書憶昔賢從此玉墀冠劍地漢家勲業有蟬貂

第三句一作首  
堂有構傳先業

和曲山見示十六夜詩

三杯兩醖醉朦騰門巷歸時月色澄人影共三鷺傑句元宵過五牘殘燈遊觀縱美吾誰與老病相仍子不勝昨晚詩來知勿藥樂於相對遠方朋非隱非商處市寰出門即礙覺行難虛名籍籍知何有世事悠悠興易闌化日舒長饒驟暖新詩吟苦有餘寒書生伎倆宜人笑兩束廢章要不刊

為曲山欲以近日唱和等作  
編集成帙以示來者故云

寄贈總帥便冑汪

壬辰正月二日過衛

前日劔騎過衛幸得一識英表勉贈二章  
庶見微懇

城巖袍鎧鳳花紅蠟爽英姿百戰雄歌雅有懷千里隔停驂還喜一樽同忠傳孝繼來家法谷靜川空見驗功自古詩書出名將將軍今日漢膠東

隴西名將相山東與別諸侯總不同隴右風塵天一將壇恩禮漢元戎秦風儘詠車鄰富魯泮重看獻馘功想得朝天承讌衍教坊金燾彩雲中

燈市行樂

人喜時和更上元春城風物覺清妍樽罍傾倒非吾事杖屨遊觀有樂全澹澹陌塵燈散後迢迢春箭醉

吟邊新詩不獨書閒適待與清時備管絃

為曲山久病作詩以慰之

曲山隱几一冬餘心事中間合減除委巷莫悲來結  
駟削緱休詠食無魚木欺脾土宜甘養詩梗吟吭可  
暫疎六十坡仙年未老萬緣天冷覓方書

再和前韻慰曲山

一身之外總為餘應有閒憂合屏除出宰莫悲淹足  
驥研精休效蠹書魚兩孟充腹宜相調一盞和顏未  
可疎休信安心泥禪術內經還是不可刊書

一作若以老年閒遣興或作若以  
遺懷餘習在內經還是緊看書

予拜顯軒墓後七日其孫以脾疾亡復作  
詩以哀之

悲風吹野白晝陰吞聲不作短歌吟尚期穉子有餘  
慶少慰先生未了心玉樹凋殘天已老蘭芽助長思  
空深因懷此老舍館語地下相持淚滿襟

穉子一作委脫委脫出列子子  
孫者天地之委脫也或易之

僮哀詩并序

僮姓李氏字八齡十有六歲壬辰夏後六  
月二十九日因戲水濱溺死猊渦予時臥  
病不知以數日不來見疑其有異且覺夢  
思恍惚及旬餘窮竟所以乃云已死矣為  
惻然者累日其辭曰

來從汀郡六千里執役家僮二載餘兵死不教承舞  
梨陸沉誰料葬河魚樵蘇晚到虞踈失庭戶晨興憶



掃除善遇力傭平  
日事一朝不見意何如

挽總尹湯侯

井幹臺邊始識君  
共山山下酌新墳  
攀髯猶是風雲夢  
分陝仍高牧伯勛  
翠琰能書無媿筆  
石麟休認辟邪文  
泉扃儘慰承家望  
又見賢郎迥不羣

題珠簾綉序後

七竅生香詠洛姝  
風流不似紫山胡  
半床夢冷珠簾月  
用煙中一序情鍾樂籍圖  
鉅破小山犁舌獄  
倒翻卓氏拍沽壚  
芳悰苦瑞同心賞  
過斷行雲唱鷓鴣

題香山寺畫卷

送客當年過玉泉  
醉中遊賞得奇觀  
一泓湛碧浮僧鉢  
幾葉秋黃打石欄  
山色空濛金界濕  
松聲清泛海

波寒吟鞭回首都門道  
斜日歸時翠滿鞍

過朝歌與苦齋馬上聯句

三十年来老友生  
論文道舊足交情  
清時健在已多幸  
白髮相從復此行  
朔吹號寒摧破帽  
重陰掃盡喜新晴  
憂先樂後平生事  
一笑長驅過故城

題府判黃懋卿手卷

簿領當年憲府廳  
已期公叔與同升  
為觀臨事多難際  
素有持心近厚稱  
荷橐儘高蘭  
省諭判花清映玉  
壺冰漳南未是淹  
留地變化重看九萬鵬

送舍弟南歸穰下

壬辰十月廿日彰德相別

相思渭北常年事  
遠送漳南恨別心  
沙暖暫聯鴻鴈序  
霜寒悽斷鶴鷄音  
兩鄉健在都能幾  
千里含情老

更深慰浣此懷知懇切不交消息到浮沉

觀光

化日舒長靜八埏夔龍布滿紫宸班閭闔有喜科  
差少煙火全疎傳舍閒象緯拱環天北極聲明漸及  
海東蠻春潭不用弘農寶斗米三錢濟歲艱

壽右平章不忽木

黑頭便捧侍中貂漚水春風憶共僚學術自初希聖  
哲羽毛今果見雲霄心存經濟開公道天與精神福  
本朝紫禁烟花縈繞裏青松千尺儘難凋  
遍閱清朝玉筍班龍鱗誰似相君攀事多簡省經  
綸大道在從容奏對間黃閣不知金印重思亭清似  
玉堂閒鳳池剩有如澗酒細瀉瓊杯暈壽顏

一作梅花香有如澗酒常醉春風玉鍊顏

劍履光清斗極邊秋風庭戶淨吟瓊北門視草情何  
密東閣觀梅暖更妍白髮詞臣從寂寞青天鵬背鹵  
三千一樽細瀉新豐酒此際於君分合偏

漢相規隨有典刑讚書今傍太微星甄陶品彙均元  
化業履貂蟬自六經養浩以剛鄒孟直誠心無愧魯  
齋銘細傾東閣梅花釀長對西山未了青時為御史中丞

賦王詹丞宣賜玉杖王諱慶端字正甫藁城人

青宮宿衛舊將軍家世今誰萬石君千騎寵光承  
眷顧一枝方杖表忠勤靜臨春桂堂階月暖帶紅鸞  
扇影雲若把璫璵比良德健於羅結更溫文一作前日倚毗

今有效雲臺從此策高勳

同鵬飛遊長春宮

步入方壺別有天茫茫雲海道家山甘河真遇自伊  
始鐵鎖高垂不可攀黑入太陰松桂老望空玄圃水  
雲間臨漪門外春風暖將復流紅到世間

張鵬飛治虎骨為鏡揮作詩以贈

張侯骨鯁霜稜稜削出雄軀瑩且精厭猛細將鵝作  
項差有羞與鹿同名寢皮食肉真吾事理髮繡經入  
小成持贈有懷增老健一簪秋氣見初橫

虎腦杯二首

帳竿圍錦稱談兵猛腦剗來正可觥製就要為元惡  
戒飲餘便覺谷風生瑣紋漬血紅猶濕酒力增嚴氣  
未平廣會長筵莫輕出慮妨俚鬼淚縱橫

犀船螺掌脂粉具老頂剗作元戎觥撩頭無復盜跖  
怒持飲頓覺陰風生瑣紋漬血紅猶濕酒力增嚴氣  
未平鱸吸長筵莫輕出揶揄俚鬼恐潛驚

一作更吸梟羹戒元惡却思俚鬼恐潛驚

十一月十八日壽宮小集

六祖真人牛教授伯祥張按察鵬飛

十稔相望不易逢一樽誰料此宵同笑談偶得陶元  
亮賓主不分龐德翁竹葉添春冬後綠燭花留喜夜  
深紅鼎邊句就東方白却恐彌明訝不工

訝一作笑

贈牛教授伯祥

牛君伯祥以失馬詞見示意甚悽惋雖情之所鍾正在我輩然思而不置恐傷天和

而病吾子也故終之以電露之意  
朝看頽頽燕于飛夜聽城烏有暗啼風拉綺絲疑  
語鏡翻鸞影夢雙棲屢空曾改安貧樂當饋難忘舉  
素齋不見六如亭上客此情斷度不容悽

壽長春張真人

絳闕蓬山不易求春風瑤草夢麟洲未如華表千年  
鶴纔閱人間七十秋道紀有方傳妙用玄談登對動  
宸旒慙慙一炷嬰香供吹滿壺天十二樓

登對謂嘗以老子言上對稱旨

送王講師歸終南舊隱

青城仙馭本翩翩自惜縉經老閉關藜杖偶隨雲暫  
出草堂今喜鶴飛還道凝甘壑從容際詩在終南紫

翠山去去黃塵今古道幾人回首似君閒

吾友張君鵬飛壯歲論交十年三遇少聞  
如意多見隱憂燕越相望契濶復爾衰年  
遠別互深相愛之情判案須煩例有三惑  
之誚冰清玉潔餘孰何堪下怨上疑自昔  
如此在李華而未免於吾子以何如若作  
計以處時宜貴和而容衆子其行矣詩  
以送之

四任邊除見壯猷空拳搏虎踏三彪得便宜處休再  
往當計會時須遠謀花柳都城終歲好江山南土斲  
時遊倚門妻子愁仍破檣燕聲中莫少留

送左丞董君行院金陵

墨壁光寒海微深未容緩帶界分臨旌旗動色真餘  
事節制無方是自侵纏索要知今日馭戎機還盡老  
人心迎仙門外生祠栢親見森森綠滿陰

朝謁柳林行宮二詩并叙

至元癸巳二月四日臣膺憚臣文海儼居  
信朝謁 春水行宮於瀘曲之柳林優蒙  
睿眷詔錄年名以聞引進者中丞崔或被  
沐 天恩敢綴為唐律二詩以表殊常之  
過臣憚謹序

漢家

天子獵非熊五柞長楊是近宮 萬騎遠臨滄海右  
五人同拜柳林東自憐賤子承 恩眷重為斯文惜

至公更擬論思恭政議老臣何有沃 淵泉

千官扈 蹕 翠華東 詔許諸生見雪宮商嶺採  
芝慙綺季新豐需 命似姚崇名輝彤管猶通籍簡  
在儒臣要勸忠步出 禁闈傳少侯長楊高樹動春風

癸巳清明後三日偕益津李士觀登太史  
臺

客中何處散幽懷放眼高明恐易裁兼覺形神未全  
老試憑筋力共登臺山河繚繞陪京壯樓觀參差落  
照開曳杖不知雙屣困銅駝巷陌晚歸來

奉和李樂齋登太史臺詩韻

衰藹形骸俱諱老較量筋力共登臺漸欣就日瞻天  
近不憚捫參歷井回步下玉堦驚峻極立殘夕照尚

徘徊銅駝巷陌歸時晚一笑傴僂曳杖來  
靈臺璇象兩巍巍夢寐三年始一窺日挾陽烏翻倒  
影天浮圓蓋入銅儀當時東觀張平子此日吾元郭  
若思美殺漢時皆實學幾曾分異限藩籬

和李樂齋馬病詩韻

柳都城約勝遊閉門翻作抱官囚血糊駿足幾無  
眼昧庸工悔葭策杖恐招徒步誚求全翻得蹙眉  
憂自今安驥若須記鍼法從來是把頭

為中丞博陵公壽

如君富遠圖報恩多半薦賢書義方對  
上言何婉玄素回天力有餘論入事機包細大望  
來行止見舒徐近年默數康時奏儘是汾陽極品除

喜答李六祖病後見憶

詩韻鄉心兩疊稠竹宮長記半冬留橘房嬉戲有真  
樂鵬背逍遙忘遠遊清夢偶便旬月寢岩花空抱一  
春愁朝來好得平安報香滿經臺紫氣浮

送吳僧清琬長遊上都

顛骨巉巉犀插腦繙經休作越僧看潔蠲心行拋塵  
累飛躑天星得妙觀化日閻浮天竺小秋風蘭若野  
僧殘回頭清磬千門裏曇鉢花鮮照眼寒

挽樊君道錄

每嘆玄門道有綱樊君扶翊冠簪裳公材絕似張嵩  
岳術異初非費長房樽酒笑談才宿昔玉棺飛墮便  
蒼茫仙遊久厭人間世華表歸來意莫量

答晉卿教授

蒼狗雲衣日易翻，桂薪珠米住京難。  
百司扈送四轡輅，一室虛潛盼冷官。  
老境靜思林下樂，鄉書喜向枕中看。  
絳紗幔底絃歌樂，政恐天教奈歲寒。

挽趙公同簽

不肖憚自壯歲辱知，頗厚意廣才疎。  
竟成墮窳日暮懷人，豈勝慨嘆魂而有知。  
庶幾少慰其詩曰

氣鬱元龍漢魏豪，豈容空見臥床高。  
力籌戎務開樞府，膽落僧齋拜節旄。  
陰授有機黃石略，夢歸何處赤松遨。  
傷心此日題詩客，老淚縱橫濕佩刀。

公使日本回相會于平陽以本國佩刀見贈詩純用留侯事者以公全似漢初異人也

詩餞王中丞復任中慶諸路行臺愛仰之

懷義行於辭知音者無惜同賦

復詔行臺自昔無恢恢，天網未容疎滇池。  
逐鱗真餘事，霜簡收炎見壯圖。  
報政果符銀作驗，立朝回看玉鳴珂。  
此身雖遠吾民晏，肯憚風沙萬里塗。

銀為驗初赴雲南時日若委將來以此銀為驗論

過樞東府二首呈王院判仲常

延英殿廡風道傳，官語近軍容。  
自從文武岐分更覺韜鈴勢，轉雄畫戟凝光連嫖衛。  
出長楊賦云乃命嫖衛此赤囊封慎折邊衝，卻穀莫詫詩書將。  
谷靜

要駿功

英雄見致隆，折衝樽俎沃淵衷。  
庭花露重凝深

翠石屏寒碎軟紅國論動能泰兩勢朝堂一作寧  
空歸鞍細嚼輪臺詔兵寢刑清是極功

題峴山白石洞野齋序文後

東北望峴山滿馬風埃憶往還白石久聞經洞  
碧雲誰似老僧閒夢驚三十年前事詩在推敲月  
未圓安得野齋相約去松風岩壑共躋攀

送王司業嗣能倅衢州

前年持節使閩甌端是騎鱷汗漫遊兩浙江山真卷  
畫三衢風土是中州兵餘獨重瘡痍若政異無逾孺  
謳此去新詩更瀟洒所思多在望濤樓

完顏士慶赴任蜀省來別索詩係金內族

秋滿長安落葉紛天葩根異獨奇芬氣酣不在新豐

酒志遠先馳蜀棧雲幕府文書無整肅即官心事足  
忠勤腰間四世千金劍又見清光湛斗文

輔提刑正臣挽詩并序

臺憲者順長道而服羣醜也昔魯人以泮  
水頌僖公而曰敬慎威儀維民之則載色  
載笑匪怒伊教如提刑輔公有焉又如諸  
生廩繼于邁思樂何啻采芹藻而已不肖  
猥繼公後親覩斯美豈勝欣嘆蓋學校乃  
國家之元氣故予特以崇學為言使留心  
於簿書米鹽間者聞先生之風庶幾知所

自云秋澗王惲謹序

澄清心事見褰帷只道剛稜未盡知霜逐簡華森憲



府力宣風化作邦基廟祀堂留像瞻遺愛寒藻翻香  
舞泮池夢到養源堂上月至今鐘鼓似清時

前年學館拜遺祠此日看君墮淚詩飲食固云飢渴  
易教條能盡後先宜多霜肅政潛臬歎文藻翻香舞  
泮池夢到養源堂上月至今鐘鼓樂清時

李廷珪墨瀆世傳能定人神志予病久思  
若恍惚因假之師孟研汁一盃飲之戲清  
餘香復賦詩少見無聊賴之緒時癸巳八

月朔日也

龍劑如珪獨擅唐洗心今試秘

滿意濃薰月露香靈府策

文戰非吾事正

闕

送鄧卽住繹州

我客京華識鄧卽恍如身在齋旁三年載筆同詞  
館一字論文憶夜床老去光陰多幾許別來雲海尚  
相望玉堂昨夜秋風冷夢裏歸心到汶陽

秋澗先生大全文集卷第二十一



秋澗先生大全文集卷

誠說堂

三牲致養應為易楊子怡親志所難滿抱忱誠無少  
嫌一杯菽水見真歡詠歌豈取時人譽溫清思貽後  
嗣着想得歲時稱慶處春風香藹紫庭蘭


史宣慰子明友松亭詩

壯歲英威大樹馮老依松翠養襟靈秋風幾泛投壺  
唱偃蓋空懷倚杖形華屋丘山驚夢斷玉堂編簡為  
君清千年貞魄棲修榦不信龍泉閼夜扃

壽張左丞子友

甲午正月十六日

箕尾儲精一氣氤仰看風骨秀而神青宮羽翼風雲  
舊黃閣調和鼎鼐新若論揀時非易得與同熙載更



誰親一杯重為君侯壽紅藥塔前要好春  
春坊碧月桂瑤枝人物風流映一時四海蒼生欣望  
愜兩宮和氣對時熙西池進讀霑時遇東閣追攀辱  
舊知此日壽君宜有頌載歌箴做武公詩  
供職詞林已四年今春添壽倍增妍詩如東閣梅花  
細人在春坊璧月圓漢業翼成無跡考遂初亭暖覺  
春先沙堤有語蒼生福好在論思拱御筵  
今歲調元事體新風雲開闔入經綸兩宮受賀安磐  
石萬國歸心有老臣相業儘高麟閣讚醉吟時到野  
亭春五雲深處台星爛常見清光拱北辰

甲午歲正月二十三日右丞何公麟華  
旦謹奉唐律一章以介眉壽

凜凜一畝陰貞姿不受歲寒侵侍謀東閣時情  
協養浩南牕夜氣深閒縱詩懷穿理窟靜觀羲易見  
天心百觚剝有春風釀重為明時要細斟  
叢臺袷服士如雲又見聰山一氣春帷幕細談天下  
事典刑渾是老成人詩來東閣梅花細歌入民謠漢  
法新健美武公宜自做太平勲業畫麒麟

過左副賈相公新阡

左副新阡何處尋祁陽東北望喬林連城政美無瑕  
壁萬卷書多遺子金冠劍圖形凌閣重風烟埋恨石  
麟深峴山欲墮豐碑淚桃李公門綠滿陰

彭澤二賢堂為江州周使君賦

歛裳宵逝無三月待辜鳴琴滿五年與論行藏元有

異比量心事本同然浴光力取虞淵日示貶忠凝甲  
子編千古新祠祠下月不應獨照二公賢謂分光於使君也

李清甫分齋

鶴飛不過丈尋間鵬翼雲垂九萬搏每自村量彘秉  
外就中增損一毫難洗心俠習從多可放眼青天有  
達觀拈取榜齋總隻字此身還有泰山安

送表弟雲卿經歷赴上都先時韓壽院判  
仲常詩有通介不隨新進士藜塩依舊老  
書生之句大為王君稱賞及北行仲常用  
元韻餞贈韓持詩見示亦請予依韻相送  
因勉為齋賦

拒廷機務貴謀成調議中間執倚平經事莫深吾弟

慮臨機能盡上官情正煩謨畫孤忠壯肯着車輪  
角生明日馬頭新店路居庸山色照吟觥幕

秋日宴廉園清露堂并序

右相康公奉

詔分陝七月初一日宴集賢翰林兩院諸  
君留別中齋有詩以記燕行因繼嚴韻作  
二詩奉

平章相公一粲時座間聞有後  
命故詩中及之

何處新秋樂事嘉相君綠竹宴芳華風憐柳弱婆娑  
舞雨媚蓮嬌次第花照眼東山人未老舉頭西日手  
空遮賓筵醉裏聞佳語喜動金杯五色瓜

頤聯一作高雲錦席翻京吹翠  
蓋紅粧簇藕花較前可謂

朝野歡娛到靖嘉五年經制見金華先聲遠動秦川

樹後命光融紫禁花歸騎不妨沙路晚留中恐為

國人遮暗用司馬端明自慙忝列絲綸地憔悴秋風

一繫瓜

### 德壽殿玉方池研

理宗所御德壽殿為太上皇所居殿  
緝熙講經殿也硯即碧絲歛

玉斲坤形靈四溟丹書猶認壽宮名紛紛落墨騰蛟

霧浙浙秋風拉瑟聲神物不知崑火烈碧絲今對玉

堂卿眼中多少與亡事白髮孤臣最愴情

當時同僚承旨留中齋學士劉  
東崖侍讀趙方澹皆宋人也

甲午秋七月九日廬山約赴李君水芝之會

子以事不克往明日例徵詩因繼中齋韻

陪京秋早物華清杖屨迎秋出綺城蓮社與吟千葉

白盤餐非為五侯鯖眼中閣老何瀟洒意外浮名任

易更唯有柯山山上月歸心同照石梁橫

飛蓋追隨野興清冷煙疎雨濕層城兩舷踏足空蓮

唱大嚼過門得鼎鯖錦席高雲增爽朗秋風殘暑喜

交更竹西歸晚留餘思詩在夕陽澹處橫

### 為周紫巖賦冬日牡丹

蘇州人右職出身新簽兩  
浙行省事留中齋索賦

翦翦江風十月霜寒梅時序見花王一枝重薦金盤

瑞滿幄濃薰麝粉香協氣暗扶忠節壯名葩來伴紫

岩芳故園從此恩光爛卷裏題詩半玉堂

再繼前韻贈中齋承旨

先生襟韻氣之清開府歸來客薊城雅集不知河朔  
飲名談有味德麟鯖歸心落日常躑躅世事浮雲任  
變更夢到柯山山上月流光還愛石梁橫

賀梁參政陞拜左轄

故都喬木百年春累葉簪纓得相君馬出渥洼騰逸  
氣豹藏玄霧見奇文十年佩玉何清響一見英標勝  
素聞剝說鼎調多至味兼收時到野人芹

題奉常李謙甫歸覲詩卷

十載馳書望玉闌一朝羅拜喜生還溫顏孺慕猶親  
側秉燭相看似夢間棣萼香凝姜被煖故鄉誰羨錦  
衣斑鶴鶴庭樹春多少車馬西行總詔頒

首句一作景聯一作棣萼華承餘譙樂錦衣誰夢照柳班

賀唐承旨新堂落成

碧鷄華構喜新成軒瑣虛明夜白生花影入簾詩思  
淑琴聲當戶月華清人生孰若安居樂樽酒重尋風  
雨盟不作老張輪奐頌玉堂清議正煩卿

甲午八月一日赴李總管蓮塘之會坐中

走筆賦此

斗酒初醺倚畫欄藕花紅映萬珠盤野烟高柳吹衣  
濕碧落銀河照眼寒老去自知情味減興來思盡故  
人歡相逢一笑真難得况復君侯禮數寬

諸人酬詠既已復和前韻

垂柳橫橋轉赤欄望中清興散愁盤玉淵堂迥山光

碧秋水臺高午景寒爛熳不知前日會唱酬當記此時歡平生肝膽向人盡不是悲秋強自寬

甲午中秋日宴同簽洪公東第賓僚集賢翰林兩院而已將暮雲陰四合既歸月明如畫偶賦此詩且記盛筵三首

今年秋夕賞心何絲竹堂深間雅歌三院盍簪都下少四筵登味海東多休辭皂蓋停車載盡倒清樽待月娥兩袖桂香翻未盡更憐歸路影婆娑  
赤囊無騎海無波今歲中秋樂事多為愛願軒吟興逸來陪詞客醉時歌紅雲照眼瞻天近白髮欺人奈老何連夜暮歸驚夢異林間金背看陂陀  
梢梢英氣秀橫秋此日青雲接燕遊賓府笑談詩禮

帥故家人物鳳麟洲為憐桂影饒清賞歸避金吾怯晚留為見願軒慙厚意更將遺興較詩籌

題高和甫侍郎先世圖譜後

故都喬木幾蒼蒼高氏宗支慶緒長兩世簪纓登相府百年忠孝見諸郎解紛晉漢多陰積歛衽韓劉避耿光十襲寶藏防墜佚衛公遺物要同芳

送東崖學士總尹建昌軍九月十三日

待詔詞林整十年黃金橫帶列朝班紅雲黼衣瞻天屢白晝卿開着錦還顏筆謝時增曠達銅陵碧澗  
夢躋攀慙葱華子岡頭月先借清光浣別顏

遊水峪

雨沐山容曉更鮮峪深行入洞中天林間石破傳經

鉢嶺崦雲封種玉田世味酸醎誰自信人生聲利古  
難全道人歸潔宜諳此抱石歸來煮夜泉  
今秋山北迂回鑿偶得新詩記往還臣子要知吾分  
在功名休問老天慳滿軒光寵居庸道兩袖風烟水  
峪山同見同遊又同樂從容恰及一旬間

過誨之高兄新居

高子幽居遠若村北城城下柳藏門寒因霜早收梨  
栗貧喜家安遺子孫閒裡有詩渾漫興客來止酒對  
空樽自慙過訪成疎曠戀戀相看到日昏

為洪同簽書諸公中秋燕集詩卷因題于

後

詩靨靨碧空雲一樣書來更可人落墨空翻

黑清吟真有鴨江春鷄林取重吾何有樞相知音世  
罕倫還笑愛鵝王內史寫經時與羽流親

壽泉平章

兩朝元老漢刑儀宣室深香侍受釐博識不遺三籟  
秘拜公應較十年遲敢從汗簡聯清秩喜為裁詩薦  
壽卮瀚海綠波三百曲歲浮春色上芝眉

壽董承旨正月十一日

百觚春酒遐年壽千首新詩二品官窮達不為身外  
計功名儘向後來看細圖野隱明歸志靜撫孤松愛  
歲寒此日稱觴宜有頌兩宮恩眷古為難

送縉雲教官伯讓之任瀏陽仍和見贈韻

縉雲逢裔以才聞遠任長沙吊楚臣論學拜官甘冷



職過門求益有斯人道傳伊洛真吾事詩到齊梁恐  
後塵領取漢家聲教去六經何地不陽春

元貞二年丙申元會日大雪

萬寶陳庭未是奇千官朝處玉為墀靜看整整斜斜  
態不礙蹠蹠濟濟儀法部氣嚴催箭舞 御爐烟澹  
濕驚旂小臣歸美豐年慶不數元和賀雨詩

送省掾李希賢隆興總判西京人

春水延芳扈從辰笑談鞍馬見情真幾年畫省含香  
掾一日公堂入幕賓政異莫如官事簡心丹回夢帝  
城春古稱四海皆兄弟洒落如君有幾人

壽彭壽之慶八十詩軸

竹色宮牆野粉黃百年遺見張蒼青雲仕宦思疇昔

白髮光陰在故鄉步健不如鳩杖勁眼明猶炯竹書  
光若從九老徵遺事好着丹青畫寶坊老

大賢詩三首并序

甲午歲正月廿二日癸巳偕翰林諸君謁  
太傅伯顏公於東城甲第之北堂公姿威  
不見猛簡不失和真魁傑人也公初至燕  
首詢諸何右轄曰翰林諸老今在者誰及  
是歷問各官壽期今供何職酬禮間顧相

謂曰

朝家所以養諸老者正以乞言論政而已  
如事會議各顧官守未免或偏若集之同  
僚則議論通一所益良多某曰前世立益

政院者正此意也中丞崔相亦以為然乃  
知公深謀遠至氣量含弘 朝廷之上軍  
國大計心無或不在所謂大臣以道事君  
者也既而公出衆俟門屏間遣紀綱來謝  
曰不敢多勞遂退因得大賢詩一首紀其  
披觀之快後二年公府掾張楚持畫像懇  
予哀挽既書鄙辭載惟疇昔情有不能已  
者且念六合雖一相業未展天不憖遺老  
哀斯民之不幸也噫因附錄于後

萬馬龍驤宿漠陞朔雲邊雪避旌麾麟遊近藪人歌  
瑞虎在深林氣甚夷解甲齊山降宋日鞠躬趨陛入  
朝時有懷不盡蒼生事空詠皮公七愛詩

使華來自海西邊一日風雲擁將壇仁信有餘收戰  
格旌麾不動下臨安應憐文武匡時切忍對麒麟畫  
像看 不獨臨淮開府掾追思勲德淚闌干  
軍容機政兩儀刑自有胸中節制兵直道事君忘智  
勇丹心為國儘忠貞風雲感會十年契笳鼓歸來六  
合清遙想 翠華秋獮祭  
聖情凝佇聽聲聲

異菊圖一枝十花容色各異未之見也故

賦

枉說重巖細菊班連眉十樣更清妍不辭老圃秋容  
澹要見花神景氣偏越被香濃薰百和柴桑人去已  
千年醉吟不用江州白此日東籬得董仙

百品流芳見已稀一枝獨秀更堪奇秋陽借暖留三  
徑翠袖分香列十眉竹外晚粧明閣院月中青女要  
新詩繁華淒斷長沙夢畫裏淵明又一詩

聞友人買犀帶

聞君饒價買犀纏似為精神見老年論品要勝華衣  
異垂腰猶欠玉魚懸通天即是裴公賜素髮其如白  
傳巔留取百錢休妄費安排開歲置貂蟬

贈潘州樸生子溫

踵門來謁樂新知自說容城指授師孤鶴遠從華表  
下六經都向管中窺西山掃墓懷私淑東郡趨庭儼  
聖恩莫把一簞顏氏樂春風吹作錦囊詩

送總統佛智師南還

釋教總統佛智大師姓積寧氏名沙囉巴  
華言為吉祥慧也西番人祖相嘉屹囉父  
沙囉觀以象胥王譯諸經至師八世矣師  
早侍帝師發思巴受知先朝精詳內典  
又喜儒書樂與吾屬游元貞初選師為江  
浙總統明年率諸山長老入覲獲侍  
清燕 啓沃一言煦燠三吳同游大覺未  
歸江東父老投牒行臺趣師南還將行以  
贈言為榮因賦是詩以送

白足毗耶不易逢鬢絲禪榻偶相同經來震旦三千  
界人在天龍八部中滿送酒船浮北海細薰香霧供  
南豐江東父老催飛錫要沸潮音與海通

與梁總判楊少監武子劉總管叔謙會梁  
都運高舍別墅夜話帳中樂怡怡也梁君  
索詩因書此以答雅意元貞三年二月十  
八日也

問字嘗思過子雲一樽梁墅喜情親清燈夜話逢知  
友喬木蒼烟憶世臣野水添杯無盡藏侯門儲慶有  
餘春五枝休數燕山竇黃閣經綸見秉鈞

挽子敬楊君

終唐州知州子裕母弟

青血陂陀閱夜泉鵲鴿庭樹已蕭然一樽盃飲留情  
話五馬長歸是別筵黃壤冷埋林下壁綠波空泛幕  
中蓮息軒未覺風流遠行見吾彪歷試年

送李敬甫之任靖江總管

海山蟠亘十州環桂嶺西南隘漢關吾子有材稱吏  
治土風從古號時慳老天形勢開炎德赤子龍蛇雜  
洞蠻交致恩威民事了雙旌歸早慰慈顏

呈高麗世子

霞綺紅潮鴨綠清風姿渾是父王英禮文曲折猶  
周制脂澤涵濡見漢甥衡宇接談今日款中堂陪宴  
向來情鳳凰池上應回憶慙愧朱絃一再行

冬日海棠

玉環朝醉綠雲鬆  
函軒不信冬春色暖私神草  
異丹砂重見海洲紅銀缸侍寢留高照青女憐嬌偽  
動容似與方平慰親老金盤佳品不教空

壽唐承旨母王氏

承旨五六歲教授  
孝經論語于母氏

教子堂深映謝幃，碧梧停鵲發英蕤。脂點額猶宮  
樣懿範齊家備，母儀香裏鸞花回。紫誥雪封梅信動，  
橫枝百年好在升堂拜。歲歲分香入壽卮。

慶王慶彥舉太夫人九秩之壽

花柳西池點翠妍，婺光曾現竹宮烟。年高賜幣承  
恩重，子孝能忠見母賢。女誠看來形管緯，雲花行墮  
誥驚鮮。風流九十人間福，總是平頭第一篇。

和樞院王仲常雪詩嚴韻

龍武新軍宿禁墻，鐵關風急走降王。雅歌望絕皇華  
使，朔雪春回黑帝祥。四海同風有今日，九天清吹表  
戎行。兩宮和氣春如水，併捲流霞入壽觴。

壽王仲常院判

顴骨清奇類左山，紅雲香軟侍天顏。處心久在升  
沉外，着我何妨伯仲間。密學潛隨宣底轉，新詩清與  
化機閒。太平有象邊聲靜，醉聽長歌入漢關。

題節婦審氏手卷

蘭有幽姿竹有筠，秋霜庭戶藹清芬。誦詩已矢靡他  
節，在禮初無再蘸文。蟋蟀聲寒思曉織，煮蒿魂黯夢  
孤墳。楚王祠下秋原迥，消得旌書倚碧雲。

贈高麗樂軒李參政甥樸學士中統初予

載筆中堂常陪先相文會，且有唱和今觀  
高標日暮懷人不覺慨嘆，因賦是詩為贈  
情見乎辭

鳴綠江頭老謫仙，醉中吟諷得微言。當年翰學推賢

相此日高風得樂軒白雪陽春元寡和翠鸞朱鳳看  
同翻鴨江秀色雞林筆歲歲封章入 紫垣

題保定醫學劉教授慶八十詩卷

八秩光陰積慶多笑看金狄手摩挲前知來事疑思  
邈集驗儒門似子和藥籠功名閒等第醉鄉風月飽  
經過雞川如畫即山秀好在春風十二窠

和贈高麗鄭學士詩韻

風雪長安撲玉塵豹

豹管潛窺見異姿雞林詩好動京師 思深自比滄  
溟瀾國小方資節相毗寶瑟聽來多雅唱人生樂處  
是新知蓬山歸到梅花在千樹清香醉拾遺

和雪中鄭樸二學士金司業來訪詩韻

風雪長安撲玉塵詩成驢背欲誰親海東游子與不  
淺醉裏微言語更真膜拜尚思瞻國老過門今喜得  
陶賓人生適意無南北宮錦淋漓未厭頻

挽馮庶副壽卿友契

漢署千官列兩朝曹當時儀物聳清標擊囊議事驚  
孤注霜簡推姦見六條樂府名香金鳳曲楊橋風細  
月明簫雪崖遺恨埋千古大樹風悲日寂寥

養志堂詩

為前江兩省即中孫居  
仁字謙甫作高唐人

幾年臺省列清班一作聖門垂教為游必恢恢政  
務閒順志如簷推致養為親捧檄即承顏餘歡方在  
恩榮際純孝初非口體閒開卷諸公足歌詠自今錫  
類滿鄉關

高麗國王謝事

詔世子嗣位東還詩以送之

禁衛東林得象賢遠持龍節赴真傳  
靜看麗海風雲契更覺天東雨露偏  
萬里龍光隆帝館三韓春色入吟鞭  
百年藩屏敦姻好合有忠精在日邊

秋澗先生大全文集卷第二十二

秋澗先生大全文集卷第二十三

七言律詩

贈西雲上人 系海雲高弟

前日賓筵偶遂披觀一言當機口有不能  
言者如雲之在天水之在餅不復喻其快  
也謹裁鄙詩奉為上人一喙某和尚

吏用公才不易逢茶烟多颺落花風登壇懸斷羣機  
息而壁傳心萬法通慧眼正來珠媚浦浮雲飛盡月  
當空虎溪公案元瀟酒會約松軒一笑同

謝岳昭文惠新曆

夢破敲門蝶栩栩一編星曆衍堯天人憐短景催窮  
臘斗轉巖城永日躔天外春回龍集闕林梢有動紫

高麗國王謝事

詔世子嗣位東還詩以送之

禁衛東林得象賢遠持龍節赴真傳靜看麗海風雲  
契更覺天東雨露偏萬里 寵光隆帝館三韓春色  
入吟鞭百年藩屏敦姻好合有忠精在  
日邊

秋澗先生大全文集卷第二十二

秋澗先生大全文集卷第二十三

七言律詩

贈西雲上人 系海雲高弟

前日賓筵偶遂披觀一言當機口有不能  
言者如雲之在天水之在餅不復喻其快  
也謹裁鄙詩奉為上人一喙某和尚

吏用公才不易逢茶烟多颺落花風登壇懸斷羣機  
息而壁傳心萬法通慧眼正來珠媚浦浮雲飛盡月  
當空虎溪公案元瀟洒會約松軒一笑同

謝岳昭文惠新曆

夢破敲門蝶栩栩一編星曆衍堯天人憐短景催窮  
臘斗轉巖城永日躔天外春回龍集闕林梢有動紫



生烟迢迢細村宮壺滿正是昭文進德年

跋祈真人畫像

何處人間有洞天青藜曾探寶珠玄柱頭留語疑逢  
鶴物外孤吟覓閬仙木食草衣元澹泊竹風松月自  
清圓壽宮舊有燒丹竈空憶靈砂漬夜泉

送安叅政南還汴梁并序

叅政安公與僕定交於中統初元契濶者  
廿寒暑大德戊戌春邂逅於京師樽酒談  
話追憶疇昔念故舊之凋零感歲月之易  
邁情不能已者謹以唐律為贈既光回旆  
且寓愚意之所託云

黑頭早捧侍中貂當日雲霄一羽毛忠翊殿庭稱謹

密量吞河海見雄豪風雲夢繞調元鼎瑯璆光含切  
玉刃此去斯文應有記豐碑還擬泰山高

題南塘居士宋公畫像卷後

南塘結夏水芝香對展蘇黃拜燕堂文獻在公推故  
舊琴樽娛客盡徜徉傷心此日空圖像照眼庭堦失  
鴈行白首那堪題往事未容拈筆涕先滂

跋東門祖道圖二首

東門祖帳盛官儀潁潁驚旂動漢駢燕几道尊蓬有  
踐碧空雲靜日重暉飄瀟物表桑榆景洒落人間寵  
辱機東海西邊兩丘土至今書畫見宮闈  
二疏心跡本鴻溟解紱南還敝屣輕劔履中朝百  
位風雲高駕渺雙旌問金奚有田廬計歸夢都忘寵

辱驚詔獄恃然賢傳死虛勞明主問蕭生

奉和寅甫學士九日迎

鑿北口高韻

青山紅樹映晴霓玉削方臺積粟雨不憚陂陀屢登  
涉喜陪朝謁共扶携霜風偃薄千林靜雲海蒼茫萬  
象低心自屏營瞻戀切佩聲常在筭班齊

翠華南下拂雲霓駐驛軍都漢縣西龍虎臺高驚峻

絕蓬瀛人老許扶携又鷺鷥班史共扶携九天日月曙光近

萬國風煙入望低佳節迎

鑿得清賞牛山初不羨東齊

過趙匏瓜林墓

靄靄停雲自所思樂天池上獨來時匏瓜散落和雲

扶疎 醉移樽酒草堂前日夢 山叢桂

猿悲 因憶桓伊事却撫 箏為解頤 闕

長至日即事

睡起闌來催賀節牙牙紅點鴈成行仄飛瑄透千門  
遠繡刺功添一線長極壽百年驚過半從心七秩有  
三霜發身不羨錢神潤要把青箱付密郎

挽平章御史中丞克齋公

牙冠高聳絳為鞵霜色橫空一鶚秋癘鬼遽來 白  
露泰山歛裂駭黃流氣從溫造行間魂逐龍  
下游反袂兩行知已淚黃雲衰草夢西州

西州者 蓋暗取羊曇西州門事也

哭挽母弟略監使

分携洹水儘離愁誰料儀真是徹頭留別有詩驚吐  
咄逝波無夢便悠悠遠游不負江山與鞭策  
管  
疇老子慮來非一事後溪溪上暮山頭

雪後即事

一雪都城二尺強桂珠生事日尋常羣鳥慘慘飛不  
下萬木林林凍欲僵頭戴鶡冠甘潦倒氣同尺蠖伏  
泥藏 為得放歸田去亦是明時盛事彰

即事

詩題內闕

湘雲

月二首

是日先府君明忌晨

珍菓犀錢粲洗盃瑣窗香霧濕湘雲春風暖透青綾  
被初度祥開貝葉文穉竹翠含筠籜嫩猗蘭紅茁露  
芽芬細裁百疊清江錦留待擊囊備脫紛  
彩檻移春照綺牕酒船浮臘進中堂負暄叱獻茆簷  
日燕寢先分鈿几香缸燼翠凝銜鳳躑蘭膏春滿洗  
兒湯顧應吾父情鍾愛一笑燈前撫坐床

送杜熙正省掾考滿授四川省都事

扣門有客稱熙正考滿西歸得蜀除照眼鄉鄰韋曲  
好趨程閣道劔門墟烟霄顧接新桃李黑業紛翻舊  
簿書鄭重故人高左轄雪山清興近何如

聞長春宮溪水復至

臨漪門外碧波融又見分流入道宮  
閣苑烟霞增景氣寶松桂動春風  
忘機靜玩沙鷗雪潤物中涵上  
善功道脉川流元一致滔滔東注  
浩無窮

謝徐容齋贈梅

燕釵宮額蠟粧勻夢繞羅浮雪裏  
春持贈一枝遮老眼淡依踈影度  
黄昏風流燈下佳人面瀟洒吟邊  
竹葉樽我老忘情被花惱曲幃深  
鎖惜芳温

容齋清節揚州遜贈我官梅與寄  
深宮額黃嬌渾綴蠟綺牕香淡不  
盈襟春融壺浸催先發雪壓溪橋  
憶練尋茆舍玉堂初不間似將渠  
表歲寒心

予鄭徵君悅心

江南饒州人年將四十以氣疾死大都官舍善五星

有易學注鄭氏新說

春風雙節入閭門吳市東廊遇異人  
太易有靈蟠化筆天星飛跳見疑神  
燈幽毳室驚媧畫槎泛銀潢挂浙津  
反袂兩行尼父淚定中臺下泣吾麟

范徽卿風雪和林圖

天策桓桓控上游邊庭都付晉藩籌  
河山表帶連中夏風雪洪濛戍北樓  
笑着奇謀收藥籠未妨民賦課甌婁  
丈夫志在飛而食不讓班超定遠侯

題劉處士墓碑後

劉君襟韻晉人清耆舊風流有典刑  
三代鼎彝彝資聖壘一家鴻鵠自冥  
冥胷中素貯文康訓雲際曾瞻處士  
星花落草堂人去後鄰翁時過看埋  
銘

大德二年冬十一月同昭文大學士若思

登太史新臺周覽儀象久之而下侍行者  
姚子公特

徙倚靈臺萬象新仰窺圓蓋偃鰲臙龍衝都柱驚坤  
軸望入星纏候北辰日扶陽烏符益晷春浮元氣上  
儀輪思倅玄化稱平子太史于今恐後身

贈不蘭奚侍御

奕世威名大樹蕭孫支騰秀見英標肅清吏黜懷三  
畏摩拊民瘼入六條烏府共推清廟器黑頭行捧侍  
中貂仕優政有詩書樂洗耳齊竽聽舜韶

廣平毛巨源壽萱堂

百順無尊五福榮華堂高揭綠萱名鳳花雅負忘憂  
草酒香翻壽觥蘭玉照庭連秀色環珮合節有

儀刑東風細颺簾旌繡會見鸞書下玉京

張子惠母夫人手卷

夫人內治日嚴貞省定歸時有訓懲孝感庭幃深  
養德融民社見春凝凱風吹棘心何切宿草含輝樂  
不勝七子有材俱茂異慶門從此福川增

王太君授誥正月十四日拜慶家庭

隆福宮深淑景堂今年壽席倍恩光鸞回紫誥擎  
來重花覆璫與暖更香象服委蛇儀範遠  
兩宮朝賀珮環鏘細傾洗玉池邊酒常領  
春風拜北堂長

送趙提舉之順昌縣尹字仲遠

望入江城鴈影翩春風吹上洞庭船幾年戰藝東湖

上一日觀光北斗邊勝賞莫誇王勃序吟鞍歸象統  
朝鞭詩雖六義功非易未厭蟲魚學鄭箋

送李司馬任順德總尹

司馬桓桓漢徹侯十年藩府佐邊籌氣凌朔漠三秋  
雪人在元龍百尺樓已濟時艱完大節又宣風化入  
南州知君致澤平生事行聽民謠擁八騶

順德道中

魏勃何人擁使軺鵲山東下半林皋清霜原野鵬盤  
健明月關河鴈影高遊宦有心空載質宰平無策漫  
操刀黃金臺上燕昭相甘為樞衣授六韜

贈中山賈仲器

刻書工賈仲器中山永平人諱德玉為

人誠信多巧思平生好讀許慎說文解識  
字意故刊書際多所助益衆工讓能推為  
方今第一手近趙人木甲氏亦稱善碑刻  
者膠書紙於石立錫全文略不失真未審  
與仲器所刻氣韻為何如也  
賈今年近七旬技精不少衰白髮蒼顏兩  
目鵲視似耻與凡禽為伍耳來求詩書此  
為贈

翠琰梁停有異觀賈生琨削近烏蘭須知成已填書  
藝信是春坊刻玉官千字誅精山鬼泣一鐙思若夜  
臺寒惜君不致山陰襖八法從渠入木看

己亥歲京師除夜

住京誰計畫杖錢戀 闕心丹力不全干祿自慙三  
釜宿粟借車津遣五窮舡故鄉此夜偏多感衰鬢明  
朝又一年乞得殘骸便歸去草堂猿鶴已悽然

庚子元日賀苟嘉甫授徽政院長史

忠孝堂堂漢字孫更忙相見每留髡掃愁不為青藤  
酒展賀來敲白版門中議素高徽政府清吟時接謝  
公墩老夫幸有西池遇東閣垂思合細論

詩里平章公

漢家六合恢文治雨露恩深到海涵機務掾時傳世  
業衣冠故里仰華簪闔門饑凍心雖切七秩歸休分  
亦堪一語倘蒙天賜去故山春滿讀書龕

謹按遺山筆錄載梁氏家世甚詳中有云

斗南先生登明昌二年進士為人讀書精  
熟喜作 日幹局吏能剖繁治劇不肯下  
一世人人 長于機務可謂有乃祖之

風矣故有傳世業之句附于詩左

雲卿即中方以嗣續致慮側聞弄璋喜作

詩為賀

平生陰德爛于門况復昌黎一氣氲詩夢占祥元有  
兆大賢之後豈無人蘭芽秀茁根初異海果生遲實  
自珍我老喜為湯餅客一杯光動竹亭春

夢昇天詩

庚子春正月壬午日夜夢天風吹來星漢  
未曙梯雲上征極天宇而止予倚雲下視

倒影四垂澗漾滅沒有不可望焉者既而  
覺清寒逼人神思飄颻毛髮為森豎也遂  
躡空而下入道宮與張仙翁遇良久出翠  
拂紫端相遺而寤夜漏下二十刻矣予平  
日異夢甚多皆莫之比因作詩以紀其詳  
沉沉玉漏三更後鵬背扶搖九萬搏形管夢傳江令  
筆紫袍歸抱上巖端蒼溟出日瞻天近碧落銀河照  
眼寬欲躡帝廷誰汝畫九霄風露不勝寒

繼張叅政守巖詩韻兼寓鄙懷道號秀江

官冷何心日九遷雀羅庭戶任蕭然闔簪省闥何三  
益珥筆螭頭整八年臘味漫斟燕市酒春風誰送來  
家船西山日暮歸應晚自斷行藏不問天

庚子正月十一日夜夢

中丞崔公顧揖間已知身故談笑眇昧殆  
若平生殊朗然也

宿霧紅蒸海日曛分明來與一樽同烟開紫檜門闌  
外思逸金根豹尾中鐵柱高標臺闌在遊魂淒斷夜  
堂空一宵鬼伯相催去天上人間獨有公

介郡君王太夫人壽

寶香鸞誥鬱宮羅春動麻姑送酒歌森玉堦庭花映  
座試燈門巷月舒波華筵燕喜乘軒貴白髮光陰得  
壽多五福人間誰得似金盤傾露醉紅螺

送曠秀才奎東還廬陵序

奎家世居吉州安成人幼讀父書弱冠游



學四方歲丁酉由長沙泛荆湘沂巴蜀寓  
錦城邂逅高相一見傾蓋留連二歲戊戌  
春學士菊巖降香至蜀會於錦宮辱相知  
夜雨連床春風嘯詠臨別且贈以言而有  
天都之約會有司以茂異舉達之風憲適  
高相移鎮江浙附驥東來分携于驪山之  
下臘月抵京師諸公協薦于春官但奎以  
親老家貧倚門有望而動高堂式微之嘆  
遂丐之當奎欲安分義俾行省于學官委  
任焉因贖嚴韻為餞且寄聲左相高公云  
廬陵俊造以奎名投刺來登北海瀛白壁定交高相  
義錦宮持論蜀江清幾年書劍悲游宦一曲滄浪聽

濯纓聞說歐詹歸有德停雲回首夢柴荆得

大德四年五月中旬余從太史郭若思求  
畫周文公肖像者數日竟以事奪因作此  
詩以見鄙意幸賜采覽

十年寤寐周公像幾向軒墀拜髡紘宗祖配天終北  
面洗兵而雨見東征道存履舄歌狼跋天動威靈表  
聖誠久矣吾衰嗟不復仰儀臺下候神初

賀威衛王公壽

威尉龐眉七秩春不車不杖曳朝紳氣嚴樞筦五畝  
壯光動蛟龍羽扇新衛武賦詩申傲抑廉頗一飯見  
精神因公重惜麒麟筆侍與金城老寫真

無盡藏

山海沉雄斗極邊  
洄江東匯玉為淵  
停雲晴佇思親望  
綉帘香翻上塚船  
山色水光無盡極  
竹風松月共清妍  
千年山立梁中憲  
長與坡仙共一天

壽梁太夫人

雲開真館桂華新  
婺彩穿簾瑞靄氤  
羽翼兩朝梁左相  
起居八座太夫人  
香翻錦字鸞回誥  
花滿金盤脯擗麟  
聞道麻姑來獻壽  
一杯春露從平津

贈相士李達

蒼狗雲衣耐事何  
都城風物閱人多  
神光爛爛開岩電  
法琅琅振玉珂  
每詫竒顏觀慶曆  
閒評鈞幹過銅駝  
春融不逐秋陽老  
一笑西風付踏歌

語

題無名亭詩

韓右司雲卿築亭於所居後園不侈不陋  
面勢軒檻爽朗靜深窈而有容公餘盤礴  
披玩法書名畫其間心適體胖冲然自得  
所收家數內陳無名最為之冠其文甚蔚  
如春雲出谷態度不一信可怡悅而友  
也用扁為亭名且見夫主人平昔篤志立  
行務造實理不事表曝之意喜為賦詩以  
歌詠之其詞曰

朝回守口澹於餅  
觸事初無寵辱驚  
道自上經元有說  
顏瞻新扁本無營  
書傳遺帖三倉古  
坡構高堂以雪成  
快意只須揮麈議  
出門一笑大江橫

題萬知府瑞麥圖 二岐至五岐者

汝南今歲麥連雲一氣祥蒸德化循春露潤含千壠  
秀薰風披拂五岐新嘉禾共穎宜同頌神草聯莖恐  
謾珍旌異穎川元有例會聽增秩佐經綸

送李景山宣慰夜即仍用 別詩韻

雪山瀘水兩迢堯天暢恩威於本朝萬卷堂中人寂  
寂雙旌門外馬瀟瀟雄文喻蜀知無敵虎帳垂紈不  
待招許國壯心如此健夜即風教儘數條

感舊書懷

宮漏穿花隔掖垣彤庭雲靜鎖秋煙中堂載筆三千  
牘玉署觀光四十年麟獲削成周柱史座寒誰憶廣  
文壇應憐春草東郊思老馬何心覩二天

簾筆

貯雲含霧來江浙紗單金盤舞鳳織裁剪細筒裝紫  
穎卷舒彤管束紅簾鼠鬚挫銳藏燕拂內史傳經寄  
道龕自是陸卿多巧思猩毛貂尾兩無慙

作者南工陸秀卿 一作誰是玉  
堂龜鶴夜 仙火奇雲參

送不蘭奚行臺中丞

漢家二十六將軍忠孝如君萃一門痛惜鯨波吹屬  
甲盡將臺憲付諸孫維持根底餘忠厚包總時情貴  
直溫攬轡登清吾志在風沙先霽石城昏

寄何參政

卽山山下讀書堂萬卷芸香綴夜光贊善昔推東道  
主賢參高臥北窓涼林鳥返哺健為守易水悲風劔

客鄉擊筑會傾高  
麥酒滿壇秋草  
醉昭王

贈雕鏤石抹世亨

石即來自汝之墳  
性解雕鏤到奪真  
一握銀刀修月  
巧滿龕龍像  
雨花紛趨庭  
過我求名諱  
刻木先君表  
世臣家廟薦蘋  
吾祭在露堂  
冠佩侍三薰

贈道者李雲叟

道人姓李氏諱道謙  
出東齊世家年十六  
歛有悟棄家入道  
禮丹陽馬公高弟  
劉為師既冠長游諸  
方洞天參求玄契  
又嘗園居於陝多積  
靜功時人以有道許  
之今主東雍之神霄  
宮曰雲叟者蓋其別  
號云昔王逸少與謝  
安石嘗東遊海嶠飄  
然有雲

霞高舉之志今亦以是稱  
豈其遺意耶秋

澗翁叙

生龜脫筒豈易事  
假手柱史驅羣魔  
平生繕性契真訣  
萬慮剗中付踏歌  
遼鶴歸飛三島近  
道心安處一瓢多  
超然獨立雲霞表  
浩浩流光看擲梭

題葛氏臨漳五福堂

係葛經歷潤玉弟椿字壽之

澹澹河流紫陌長  
青林東下望臨漳  
蒼煙拱木三臺里  
書葉翻香五福堂  
通德絳帷多故老  
謝家庭樹見諸郎  
兩公出處存深意  
嘗記吾親話故鄉

龜詩 潤學士

數尾已知三百歲  
息胎更活幾千年  
誤投罟網寧無夢  
曾獻箕疇信有靈  
好共鶴嬉當碧運  
莫追鰲負向

滄溟松間竹下蓬蓬地常伴霜髯老壽星長

送僧印東還鍾離詩并序

予寓居安貞里東行百舉武有精舍曰文  
殊僕方謝事需命間一往焉與僧法印號  
無文晤言以適吾懷因知師系出濠之郭  
氏其先東平人祖班嘗為弋陽郡將死王  
事給葬於光父珍亦為州之機宜官師幼  
讀儒書長習陰陽風角等術既而悟塵世  
虛幻適入招信嘉山尋師學浮屠法清修  
苦行致價重一時為兩淮朱制閫所尊敬  
特起華嚴禪院為棲息之所仍誦其品目  
追報母恩江淮平飛錫五臺禮文殊光相

遂抵京師叅叩叢林富觀大衆氣象其安  
心枯寂脫屣榮利飄飄然如孤雲野鶴任  
其去來若不為形迹所累者沂其東歸賦  
詩以贈其詞曰

鍾離老衲印無文燕薊常遊寄此身一片野雲橫碧  
落半窓寒日弄游塵經龕入定依殘供  
帝里相逢有故人我亦天涯倦游客幾回歸卜問通  
津

保定曾總管清隱亭詩卷

平生不識將軍面開卷題詩得姓名清隱巴安三徑  
樂賓筵時雜五侯鯖春郊羽獵來緹騎煙渚沙鷗有  
億盟聞說懿公多賜物過門求閱儘名卿

餘慶堂銅臺趙御史

鴈塔題名奕葉香  
教開婉婉亦知方  
須知培植根基  
厚遂見滋榮世葉昌  
沙麓昔聞王氏積  
桂花今接寶  
家芳豈冠高映斑  
衣爛歲歲春風拜  
北堂

慶耶律秘監九秩之壽 大德辛丑九月初

郛離山色照中華  
孝繼忠傳自一家  
閱世光陰緣服  
食過庭詩禮儘柔  
嘉啓期榮樂神多  
與衛武箴規慶  
未涯見說壽筵香  
霧暖誥恩行墜五  
雲花

贈雪堂

雲間徙倚妙高臺  
轟吹喧喧海會來  
佛界雨花香有  
信石塘流水淨無  
埃過溪破界東林  
約乞米藏書李  
勉哀想得大千香  
積供維摩方丈白  
皚皚

題順德天寧方丈

水晶心孔碧雲思  
方外高閑有阿師  
滿院綠陰人別  
後一欄紅藥客來  
時簾扉照映爐烟  
直僧榻留連茗  
椀遲何處虛舟虛  
未得吟翻吟棹衆  
波隨

送荆書記幹臣北還詩并序

幹臣參議覆事南來與余過于襄國連日  
道舊契濶之懷豁如也君素能詩及得日  
本諸作清雄奇麗拂拂然挾海上風濤之  
氣令人豈勝嘆賞且聞駕海之舉千載盛  
事然江海之險非丘陵可比若以衣裳麟  
介論之任責者當以萬全為言因贖鄙詩  
敢以略及

萬往凌雲見妙年東征書檄更翩翩萬艘瀛海參戎  
畫九點齊州漫野煙卉服終期歸禹貢異聞無復訪  
齋然舞干不作三苗舉好為清朝論萬全

董氏家庭拜慶詩

順德少尹董君舜卿太夫人蘇氏系出冀  
州大家今年九十有四起居飲啖精健如  
五六十人以董氏論之親老而壽家溫而  
祿雖云賦子攸厚亦孝感所致而然壬午  
夏季十有三日蓋拜慶辰也求歌詩以為  
榮謹書此以侑壽觴之末

婺光分秀下含真來閱人間百歲春子孝每能忠作  
訓家肥還自德為鄰庭萱吐鳳明珠樹蓮葉翻香濕

綉裯一曲南薰薦蒲酒慶筵長對歲華新

近按部襄國提舉張子厚為僕留連者月  
餘既而得代裕如也因念其治燕南鐵官  
之最不旬時同僚給淨由以付張子之臨  
財蒞政其為人廉幹可知已將行以贈言  
為榮喜書此以貽

三十年來舊第昆紫髯落落照鄉鄰白圭磨徹光無  
玷青眼看餘分更親均幹有方留後法泳游何患作  
潛鱗一杯回首河橋柳亂擺春風約去塵

挽中書左丞魯齋許公

經綸根極自朱程小學從容到大行安漢固當煩綺  
聘要湯初不待伊烹辯姦素有批鱗直旌墓當書積

善銘兩夜天官臺下夢分明危坐話平生

庚伏日大雨

屏翳驅雲障日昏雄風吹雨怒翻盆天高地厚初無際  
際電激霆砰入并吞造化有神藏妙用枯焦回潤沛  
深思客窓更喜終宵爽滌盡煩歎夜氣存

廣宗董主簿二親同壽八十求詩為慶

七十人間古已稀况登八秩壽眉齊慶延為厚于門  
積松茂同欺鵲嶺低棣萼堂深鶴接翼碧梧枝老鳳  
雙棲年年長至花開候滿泛春風薦玉盞

留別鎮陽諸公

梧桐葉上雨瀟瀟涼透疎簾夜寂寥長往有懷深霧  
隱虛聲何意望弓招三年滹水人情好千里維揚去

路遙多謝諸公挽留意取將衰謬枉清朝

哀清河公

振轡咸池挾日飛識先秦府帝圖輝氣緣剛果疎沉  
慮變出倉皇落禍機尚賴

聖朝明樸直豈防讒口重緋衣誰令諸武留遺育悵  
望燕雲借敬暉

圖回東別鶴鳴軒脫却山衣相有元汲直寢謀推  
國老羽淵沉鯨認綸言參旗不掩千年氣楚些難  
招九死魂欲雪絳寬吾舌在有書無路達

天閣

詩送宋克溫郎中北還

神駮出水氣凌雲一顧曾空冀北羣鷄舌賜香封事



秘紫宸陪仗絳纓紛茂陵弓劍空秋草麟筆公侯削  
魯文從騎不愁逢醉尉暮歸猶識舊將軍

一作茅屋兩檐書萬  
卷門前冠蓋摠浮雲

西池幸遇詩

壬午歲十月十二日憚以承華事略求見

引見者工部尚書張九思已刻拜

太子於宮西射圃內北前命近侍趣入者再

既見問秦始皇何如主憚以所行過暴為

對

太子首讀明分篇問漢成帝不敢絕馳道事

喜甚至輟射繙閱悉問其各篇主意

張九思木忽乃略為應對讀訖以書

付董八哥會靜時細聽未末賜酒沾醉而

出

射殿風清已午間曳裾挾策拜

龍顏首詢帝子龍樓召喜輟犀弓偃月彎葵藿儘酬

承日志簡編不負半生閒滿樽春露沾思處光動西

池玉筍班

挽元倅善長

危并長遊士子間襟顏相接藹于蘭身緣吏隱多時

尚事與心違仗酒寬千日醉吟愁儘在一朝病衆知

難空懷去歲中秋會六郡歌頭聽細攤臥

今春酌別鎮東門誰料歸來便哭君每愛醉歌增忼

慨若論友誼更慙慙谷駒夢香驚炊甌寒鴈行踈所